

Tera te Mwane ni Buoka ibukin aia Reirei kain te Betebeke?

- Iai te Kataumwane iaon Tararuan ao Kaitaran Kanganga man te COVID-19 ae mwaitina \$39.7 te mirion ae katauaki inanon aua te ririki (2020/21 to 2023/24) nakoia taan boutoka ibukia ataein te reirei aika kain te Betebeke ma aia utu bwa na kona n teimatoa ataei ni karaoa aia reirei, inanon tararuan ao kaitaran te COVID-19.
- Inanon 2020/2021, e kataumwaneaki \$6.6 te mirion, n aron:

Tera ae kantaningaki man te mwane ni buoka aio?

E kantaningaki te Mwane ni Buoka aio bwa e na buokia rabwata man te community ni kabatia te buoka nakoia ataein te reirei ma aia utu ni kaitarai kainano ibukin te reirei, n ikotaki ma kateimatoan te maiu raoi, man kanganga aika kaoti ke n tabe n rikirake man COVID-19. Katoto n aron aikai:

- reitakia ataein te reirei aika kain te Betebeke ao aia utu ma taabo ni mwakuri aika kona ni boutoka ao n ibuobuoki ibukin kainano n irekereke ma te reirei;
- boutokan manga okiran te tabo n reirei ibukin te reirei ke ibukia ake a uarereke, ao ukoran kawai ke anga ni kataneiai aika riai; ao
- karikirakean te reitaki ke te itoman imarenaia Utu n te Betebeke ao taabo ibukin te reirei bwa aonga ni manga kona n reitaki utu ao ataein te reirei ibukin boutokakia.

E aera bwa e kainanoaki te mwane ni buoka aio?

- Ti ataia bwa COVID-19 e a tia ni kariki kanganga aika rotaki iai tabeman ataein te reirei aika kain te Betebeke ma aia utu, n ikotaki ma rawawata ao tabeaianga n aroia ni maiu ma aia konabwai n teimatoa inanon te reirei.
- Ti ataia bwa e bati ngkai aia kakamwakuri rabwatan communities ao taabo ni mwakuri ibukia kain te Betebeke ni boutokaia ataein te reirei aika kain te Betebeke ma aia utu bwa na teimatoa n reirei inanon tararuan ao kaitaran te COVID-19, ao a riai naba ataein te reirei aika kain te Betebeke ma aia utu n reke buokaia n aron are a kainanoia.

E aera bwa mwaitin te kataumwane e nakon Auckland?

Te kataumwane ae anganaki Auckland e kaineti ma mwaitia ataein te reirei aika kain te Betebeke n te aono n Auckland ma korakoran te COVID-19 Kauring Karinan 3 are a rotaki iai taian communities n te tai aio.

Iraua mwaitin te kataumwane ae na nakoia aono ake tabeua?

Ibukin te ririki 2020/21 ao iai te mwane ni buoka ae mwaitina \$1.7 te mirion ae e a tia ni katauaki ibukia aono ake aua ma mwaitia kain te Betebeke aika taan reiakinaki i aona. E a tia ni kakatannakoaki tibwaia, n aron mwaitia taan reiakinaki aika kain te Betebeke n aron aei:

- \$295,000 ibukin Waikato
- \$181,000 ibukin Hawke's Bay - Tairāwhiti
- \$807,000 ibukin Wellington
- \$415,000 ibukin Canterbury ma Chatham Islands

E aera ngkai ti nimaua aono aika iai te kataumwane ibukia?

Bon ti nimaua taian aono aika e karaoaki te kataumwane i aoia, n ikotaki ma Auckland, are rawata iai ana mwaiti n aomata aika taan reiakinaki aika kain te Betebeke. Te kataumwane e a tia ni katauaki i aon mwaitia kain te Betebeke aika taan reiakinaki.

Iai te buoka ae tauraoui ibukia aono ake aki mwaneweaki ibuakoia ake i eta?

Te Mwane ni Buoka aio (Support Fund) e bon ti katauaki ibukin nimaua aono ake a mwaneweaki, e ngae n ane, ao iai kataumwane aika tauraoui ibukin aono ake tabeua n aron *te Mwane ni Buoka iaon waaki aika boou ma n tuai ni kakaraoaki ma i mwaina ibukin aia reirei kain te Betebeke (Pacific Education Innovation Fund)* ao te *Mwane ni Buoka ibukin buoka aika katawe ([Urgent Response Fund](#))*.

Antai ae kona ni bubuti te Mwane ni Buoka?

E a uki ngkai te Mwane ni Buoka aio (Support Fund) nakoia taian community ke kurubu/rabwatan taabo ni mwakuri, Botaki n Aro ke Rabwata n ibuobuoki i aon Auckland, Waikato, Hawke's Bay-Tairāwhiti, Wellington ma Canterbury ao Chatham Islands.

Aia reirei ataei aika uarereke, reirei ma kuura aika rietata a bon aki rekereke ma te Mwane ni Buoka aio (Support Fund) ma a rekereke ma te kataumwane ibukin te Mwane ni Buoka i aon waaki aika boou ma n tuai ni kakaraoaki ma i mwaina ibukin aia reirei kain te Betebeke (Pacific Education Innovation Fund), are e uki ni karakoa 6 n Nobembwa. Rongorongona ae bwanin e kona n reke ikai

<https://conversation.education.govt.nz/conversations/action-plan-for-pacific-education/pacific-education-innovation-fund/> .

Tera aekan te karikirake ae e na kona ni butimaeaki man te mwane ni buoka aei?

- Buoka te reitaki irouia aika a kainanoa te reirei n ikotaki ma aia utu ba ana toma ma taian botaki aika tabe ma te ibuobuoki ibukin karekean te rabakau ma te reirei, ao ni kona ni kawari taabo n reirei.
- Kaunga te kakaonimaki nakon te reirei ke okiran te reirei ke karekean te reirei irouia te koraki ae kaain aban Tebetebeke.
- Taian iango ae ena buoka tamaroan te reitaki imarenaia taian utu man kain aban Tebetebeke ma te tabo ae a reirei iai.

Tera ae nanonaki n te kainano ae irekereke ma te reirei?

- Te kainano n irekereke ma te reirei bon te kainano ae tangira te boutoka ke te ibuobuoki bwa aonga ataein te reirei aika kain te Betebeke ni kona ni karaoa raoi aia reirei ke ni kona n reirei. Aio e ikotaki naba ma boutokan aron te maiu raoi ao karikirakean te reitaki ae tamaroa ibukin te reirei.

Tera ae kona n riki ibukin Kauring iaon ana karinan COVID ngkana e uki ao n tararuaki te Mwane ni Buoka?

Te mwane ni buoka aio e a tia ni katauaki bwa e na ti kabonganaki ibukin buokan kainano n irekereke ma te reirei inanon ao imwin COVID-19. Karaoakin te Mwane ni Buoka aio e na kona ni waki raoi inanon Kauring ni karinan aika kakaokoro, ao ni kona ni karaoaki te mwakuri n reitaki online ngkana e kainanoaki, ao ni boutokaki ma te online ao taian reitaki iaon te tareboon. E kakawaki noran aio bwa e na waaki raoi ibukin te reirei ma ataei ao aia utu.